

第〇八〇冊

方輿彙編

職方典

兗州府部

三十三天
(卷)

古今圖書集成

中華書局影印

欽定古今圖書集成方輿彙編職方典

第二百十三卷目錄

兗州府部彙考五

兗州府山川考四

水利附

職方典第二百十三卷

兗州府部彙考五

兗州府山川考四

水利附

西漢文帝十二年冬十二月河決酸棗東潰金

隄于是東郡大興卒塞之今曹州正南二十五

里有金隄集

武帝元光三年春河決瓠子東南注鉅野通于

淮泗其後二十年使汲仁郭昌發卒數萬人塞

瓠子決天子自臨決河沉白馬玉璧令羣臣從

官負薪實河乃作瓠子之歌于是卒塞瓠子築

宮其上名曰宣房瓠子河在曹州東北六十里

成帝建始四年河決東郡金隄灌四郡三十二

縣居地十五萬頃壞官亭廬舍且四萬所

東漢明帝永平十二年夏四月修汴渠隄初平

帝時河汴決壞久而不修其後汴渠東侵日月

彌廣兗豫怨嗟會有薦王景能治水者於是詔

景與將作謁者王吳修之自榮陽東至于乘海

口千餘里每十里立一水門令更相潤注無復
潰漏之患汴渠隄即漢文帝時所壞金隄也十
三年夏四月汴渠成河汴分流復其故跡

唐文宗開成二年夏河決曹濮等州

後唐同光二年塞楊劉決河先是梁攻楊劉決

河水以限晉兵爲曹濮患至是發滑汴兵塞之

未幾復壞楊劉鎮名在今東阿境內

後晉天福三年冬十月河決鄆州開運元年滑

州河決浸注曹單濮鄆五州之境詔大發丁夫

塞之三年河決楊劉西入莘縣自朝城北流

周世宗顯德初年河決東平楊劉口宰相李穀

監治隄自陽穀抵張秋以遏之水患少息然決

河不復故道離而爲赤河

宋太祖乾德二年赤河決東平之竹村三年河

決陽武及孟梁鄆澶發州兵治之

開寶六年六月鄆州河決楊劉口七月河決單

濮州

太宗太平興國七年河大漲覺清河凌鄆州城

幾陷八年五月河決滑州之韓村汎澶濮曹濟

諸州東南流至彭城入于淮塞之弗就乃遣張

齊賢以太牢加鹽祭白馬津

眞宗咸平三年河決鄆州王陵埽浮鉅野入淮

泗水勢悍急逼州城

天禧三年河決滑州泛澶曹鄆入淮發九萬兵

治之

神宗熙寧十年河決澶州之曹村北流斷絕河

道南徙東匯于梁山張澤澤分爲二派一合南

清河入于淮一合北清河入于海凡灌鄆縣四
十五逾年從文彥博之議決口塞改曹村埽曰
靈平

元文宗至順元年河決曹州濟陰新舊諸隄

時盡壞有蛇出蟄在也

順帝至正四年河決曹州漂沒濟曹豐沛鄆邑

十八道工部尚書置壩發于夫士十五萬挽河東

行使復故道由滙入海二十五年春河徙曹濮

先是河決小流口達于清河至是復北徙自東

明曹濮下及濟寧民皆被害

明洪武元年河決曹州雙河口流入魚臺命大

將軍徐達開塌場口入于泗以通漕運此即牛

頭河未通開河道也二十四年河決原武縣黑

陽山由舊曹州鄆城兩河口漫過安山而會通

河淤乃自濟寧以北陸運至德州下河

永樂九年開會通河遣侍郎金純從汴城金龍

口下達塌場口築隄導河南入淮漕以接運道

正統十三年河決滎陽自開封城北經曹濮北

衝張秋潰沙灣東隄以達於海命工部尚書石

璞侍郎王永和都御史王文相總塞之弗績

景泰四年命都御史徐有貞治之沙灣始塞乃

於開封金龍口甬瓦廂開渠三十里引黃河水

東北入清河以濟運

弘治二年河徙汴城東北過沁水溢流爲二一

經蘭陽歸德至徐鄆入淮一自金龍口黃陵岡

東經曹濮決張秋運河命刑部侍郎白昂治之

役夫三十五萬遂塞金龍口於滎澤開渠導河

由陳顯至壽州達於淮五年復決金龍口由黃陵岡北趨張秋絕運河而東掠汝入海命右副都御史劉大夏大監李興平江伯陳銳以丁夫十有二萬往治決河乃先疏祥符榮澤上流東入於淮又疏賈魯舊河四十餘里出之徐州支流既分水勢漸殺乃築塞張秋決口又於黃陵岡之東西築長隄各三百餘里金龍口之東西築長隄各二百餘里於是黃河東流經歸德徐州達於淮而張秋之決遂塞

正德四年九月河決曹縣楊家口奔流曹單二縣直抵豐沛遂成大河塞之不克八年七月河決曹縣天仙廟孫家口三處曹單居民被害益甚詔遣都御史劉某祭告河退百二十步十年夏四月河決焦家潭命都御史趙潢治之奏添曹濮兵備副使兼管河道一員管河同知及曹單二縣主簿各一員十一年河北侵至大隄遣河道侍郎趙某祭告河退八里

嘉靖六年河決曹單城武等縣梁靖口處衝入鷄鳴臺八年河決飛雲橋北徙魚臺穀亭舟行開面九年河決塌場口衝穀亭歷經三年淹沒廬舍水患不息二十六年河決曹縣東衝穀亭運道復淤二十七年河決段家口分爲六支俱由運河至徐州入洪又分一支由碭山堅城集下郭貫樓從小浮橋入洪新集遂塞三十六年河決原武經流山東衝陷曹縣城池溺死男婦數千餘口決開北大隄由城武金鄉入運三十八年河決舊老隄南長隄直抵漕運四十四年

七月河決曹縣自棠林集以下分爲二支其南一支遠沛縣戚山流入泰溝其北一支遠豐縣華山出飛雲橋至湖陵城口浸入昭陽湖沽頭一帶運河漕塞命工部尚書朱衡治之先築馬家橋東隄五十餘里遏河使出飛雲橋盡入於泰溝乃開新河自南陽至甯城一百四十一里河患始遠漕運復通

萬曆十五年河決金龍口衝潰曹縣白茅村長隄東明長垣二縣幾至湮沒遣都給事中常居敬行視尋即築塞常居敬屢疏理漕必先於理河治河即所以治漕前後列款條奏經吏工二部復准施行二十五年河決單之黃垆口總河楊一魁大挑李吉口又濬小浮橋築小河口治之河患暫息矣三十年河決單縣東南總河李化龍大濬朱王口治之河歸故道

崇祿二年河決曹十四鋪四年決單流河口又大決荆隆口總河李若星治之及至五年九年十年河連決曹縣曹家口總河周鼎舉之

皇清順治元年河決單柳河口又決曹流通口總河楊方輿治之康熙元年河決曹石香爐口總河朱之錫塞之康熙九年河決牛市屯又決單龍寺水勢洶湧民舍漂流總河王光裕爲開引河一道塞之曹單二縣爲東省黃流衝決要害而二縣境內險要嚴宜修築之處在曹以傳家集爲第一青俸集次之單以龍龍寺石家樓爲第一鄧家董家兩水口次之傳家集爲掃灣迎溜最爲不測水勢悍急秋伏水發護堤不足捍

也康熙十七年總河靳輔於南岸挖引河一道使水直捷東行以殺其北衝之勢斯護堤可保青俸集亦係掃灣迎溜故於常家樓前築月堤施家樓前築欄水以備之而常家樓樊家樓孫家樓三處各築堤防之應龍寺月堤一道順治六年築以禦漕境滿河之水今爲黃水沙淤故加高石家樓欄水堤堤臨河掃塌故加厚欄水堤大堤外黃家營莊河岸低窪黃水發先從此出漕故於本莊迤東橫築縷水堤一道以防河水之發鄧家水口原有舊堤堤根單薄黃水漲發出漕津水故於北面加幫截隄一道是皆曹單二境之急務也單黃河南岸與河南虞城交錯有遙隄長二千四百餘丈殘缺已久康熙十九年總河靳輔巡視與河切要檄調瀕河曹縣曹州定陶單縣城武金鄉六處儒夫并民夫加幫高厚又挑兩月河引水殺流河不爲患

黃河正道黃河自河南考城而東至於曹縣入境縣在河北七十里又東至於城武縣縣在河北五十里又東至於豐縣入江南境列其隄岸於左舊老隄自東明白茅村起至曹縣遙月隄止長八十八里每二里爲一鋪隄鋪四十四座俱屬曹縣

太行隄在舊老隄之內自魏家灣起至城武縣隄界止長六十二里每二里爲一鋪隄鋪三十一座屬曹縣又自城武縣隄界起至雙堽集止長三十八里每二里爲一鋪隄鋪十九座屬

城武縣

縷隄 在太行隄之內自曹縣遙月隄起至單縣隄界止長四十九里每二里為一鋪隄鋪十三座屬曹縣又自單縣隄界起至碭山縣隄界止長五十八里屬單縣

南長隄 自焦家堤起至羅家堤隄界止長八十里每三里為一鋪隄鋪三十七座屬曹縣又自羅家堤起至豐縣隄界止長七十里每三里為一鋪隄鋪十三座屬單縣

裏河隄 自王經莊起至考城縣隄界止長三十里又自李居莊起至曹家集官廳止長二十里每三里為一鋪隄鋪二十五座

遙月隄 在舊老隄之東長十七里每三里半為一鋪隄鋪七座俱屬曹縣

月隄十有三 曰孔宣莊月隄長十七里曰娘娘廟月隄長一里有奇曰龍王廟月隄長二里有奇曰馮植莊月隄長四里有奇曰孫家道口月隄長四里有奇曰牛市屯月隄長七里曰曹家集東月隄長四里有奇曰劉蒲莊月隄長三里曰清涼寺月隄長三十里有奇曰汪家廠月隄長六里有奇曰呂家廠月隄長五里有奇

曰禹王廟月隄長六里有奇曰紀家店廢隄長六里有奇皆屬曹縣

堤十有四 曰武家堤曰李家堤曰孫項堤曰趙璇堤曰董來堤曰崔家堤曰焦家堤曰陳士廉堤曰新月堤曰榮家堤曰王家堤曰曲家堤曰高家堤曰解家堤皆屬曹縣

包大燿曰考工記匠人之職凡溝必因水勢防必因地勢水之衝決隄岸設焉凡以防之也距河二十餘里有舊老隄北大隄屹如巨防古人

黃河北決故道

由儀封縣而北入曹縣境縣在黃河故道東若千里應管河岸南自儀封北至定陶長四十里自黃陵岡築成水循正河此道淤塞黃河故道至縣境分而為二其別為賈魯河

賈魯河 昔元時所開道也在縣西南西起黃陵岡東至陽青村長若干里黃河自金龍口北決至此分一支東流入徐州小浮橋其一東北入曹州境

由曹縣而北入定陶縣境縣在黃河故道東二十五里應管河岸南自曹縣夏侯淺北至曹州程義淺長十九里今河歸正流此道俱塞由定陶而北左為曹州境州在黃河故道西岸五里應管河岸南自定陶北至鄆城紅船口長一百

二十里其名為雙河口

雙河口 一曰灘河黃河自曹縣入境至州城東折而北流分為二支其一支入於雷澤其一支入於鄆城謂之雙河口黃陵岡既塞涸沾不常雙河口水又東南流為牛頭河經嘉祥濟寧至魚臺塌場口入漕是南北決道皆於州境而分也

由定陶而北右為鉅野縣境縣在黃河故道東八十里應管河岸南自曹州寶珠寺北至曹州子家口長十二里其名為安興墓古河安興墓河 亦黃河支流也由曹州入境逕城西北又東入於張秋舊為估人往來之地張秋決塞此渠不通

由曹州而北入鄆城縣境縣在黃河故道東三十餘里應管河岸南自曹州沈家口北至壽張黑虎廟長一百九十七里其名為西裏河西裏河 卽灘河下流也雙河口之水既分而二其一支至縣西南紅船口入境流逕縣西北四十里出水保北為五岔河口受於莊河水北流其一支出於雷澤至白家河入境逕金龍王廟後逕縣西北折而東流又分其一為冷莊河

西北流逕古陳丘城至五岔河口入於灘河由鄆城而北入壽張縣境縣在黃河故道西北二十五里應管河岸南自鄆城之王亮口北至東平之魚讓口長三十里其名為范城河又為土河范城河 在縣南十八里卽灘河下流也由鄆

城來至縣境黑虎廟逕故范城東至張秋南沙灣衝漕東決

土河 在縣南十里洪武二十四年河決陽武之黑洋山由范縣入境東流入於張秋每夏秋水盛猶可通舟

由壽張而北為東平州境州在黃河故道東七十里西南自壽張之范城淺東北至陽穀之高吾淺長五里其別為金線開支流

金線開河 在戴家廟弘治中建洩漕渠之水由西旺入大清開上有橋曰三洞橋屬壽張境蓋古濟水道也

由東平而北為陽穀縣境縣在黃河故道西北六十里應管河岸西南自東平魚護口長六十里由陽穀而東北為東阿縣境縣在運河東岸

河決張秋沙灣橫衝漕渠而東其名為小鹽河縣境之北又有古黃河道

小鹽河 在張秋東岸古之馬頰故道也馬頰濟之支津水經注曰濟水至壽張分為二水其支津西北出謂之馬頰馬頰水首受濟西北流

歷安民山北又逕桃城東阿桃丘也又東北逕魚山南東注於濟謂之馬頰口又曰濟水至魚山南左與馬頰水合今小鹽河龐家口在魚

山南入大清是其地也正統弘治間河決張秋皆由小鹽河流入大清張秋東隄既塞其地湧泉如線南流數百步匯而為澗方數十畝謂之

黑龍潭通政韓公桑山其上命曰戊己隄黑龍潭之水絕之於渠其稍東出由大洪口故道東

流至陳琦口受五空橋水北流至關山又東流至魚山南入於大清河其水涵浸激湍平時不

通舟楫雨水泛漲則魚山鹽舟稍上至於張秋不能上則至魚山而止故謂之小鹽河 按宋河渠志沿河州郡各於要害下埽鄆州有六埽

關山子路張秋居其三此三埽者皆小鹽河所經則小鹽河故宋時河道也又按元時海運之法自任城會源開導汶水北流入清濟故道由

東阿舊城至於利津入海已以海口沙壅江淮糧運皆至東阿起陸運至臨清下御漳北上則小鹽河故元時運道也正統河決潰沙灣東隄

由大清入海弘治河決潰張秋東隄由大清入海皆於小鹽河假道則小鹽河近代決口也河決既塞資以洩運渠之水屬之大清矣

古黃河道 舊在縣北四十里從西南陽穀界中逕銅城之南由清冷口東北過楊劉之南入於長清界內考之水經河水自范縣東北流逕

東阿縣故城西歷礪礪往山臨邑之境東北流注臨邑礪礪皆在今長青平陰界上所謂東阿故城者即今阿城開也自宋以前河在今邑之

北楊劉為津口其後周顯德中河決楊劉離而為赤河不復故道其溢者注梁山泊東入於淮鄆州部界凡為六埽以防其決其在邑境者有

關山子路二埽皆在今小鹽河之側其後河水又合末濟渠北入於冀仁宗至和元年議者欲復故道遣使行度詣銅城海口約其高下之勢蓋欲返之使東而歐陽修以為非便因罷不修

而楊劉之河絕銅城海口即今清冷口也明朝河決張秋由小鹽河灌大清河入海蓋猶與故道不相遠矣

論曰河之由金龍北決有所因也水經注濟水自乘氏分而為二其一為北濟入於鉅野達於大清五代顯德四年疏五丈河由汴達於曹濟

以通青鄆之漕宋太祖建隆二年亦浚五丈渠北歷曹濟及鄆以通京東之漕以此推之由曹單北上至於壽陽有故道矣凡水之性皆就下

未有無所因者今所稱黃河故道曰安典曰灘河名以時變不可追原要之非北濟故道即五丈渠遺迹耳五丈渠亦曰廣濟河

黃河南決故道 由曹縣而東為城武縣境有支河三道一在縣南二里一在縣南二十里達於單縣一在縣北

四十里達於金鄉正德十三年河決霍家口城武城壞 由城武而東為金鄉縣境有黃母河故道黃母河 古黃河道也在城北三十五里元時

河遷豐沛故渠遂源 由定陶而北為鉅野縣境有八里河故道八里河 亦黃河南道也從定陶入境匯為天

鵝坡又北為稻糧坡又東為雙碑坡又東為蘇草坡又東由北門外匯為蓮花池至城東八里入於新河遂受今名又東至於嘉祥入於漕威久河塞雨潦為害嘉祥濟寧不肯疏導鉅野之民病之

由鉅野而東爲嘉祥縣境有塔章河故道

塔章河 亦黃河南道也在城北十里西接鄆

城東入濟寧出塔章口故名由嘉祥而東南爲

魚臺縣境有塌場口故道

塌場口 卽廣運開下流也黃陵岡決既塞黃

河由曹州雙河口東流經嘉祥鉅野魚臺至塌

場口入漕嘉靖九年河決上流分爲三支一自

單縣曹馬集來經城南入泥河達漕一自金鄉

南來過丞相里經塌場口入漕今河南徙其流

俱涸按塔章塌場字音相類恐卽一口

論曰夫河勢變遷不可膠柱鼓瑟也弘治七年沙

灣既塞河益南徙由清河入口入漕十八年又北

徙三百里由宿遷小河口入正德三年又北徙

三百里至徐州小浮橋入其明年又北徙由魚

臺塌場口入嘉靖末年又稍南徙至飛雲橋人

飛雲橋決塞新河既成又稍南徙至茶城入口

萬曆十六年茶城入口淤又稍南徙由內華三關

入百年之間倏南倏北唯其所向守隄之吏奈

何不戒哉

水經故道

濟水出河東垣縣東王屋山爲沅水又東至溫

縣西北爲濟水又東南至鞏縣北南入於河

注曰沅水俗謂沅水孔安國曰泉出爲沅流去

爲濟按濟水過河分而爲二其一爲北濟由武

陽縣故城北逕封丘酸棗至濟陽縣故城北是

爲府境其一爲南濟由陽武縣故城南逕小黃

東昏至濟陽縣故城北是爲府境沅卽古兗字

州所由名

濟水又東至乘氏縣西分爲二南爲沅水北爲

濟濟此南濟也由濟陽城南過宛胸定陶至此

分而爲二其一南流是爲沅水其一東北流入

鉅野澤是爲濟濟乘氏宛胸俱在曹州境內

北濟又東北逕宛胸縣故城北又東北合於濮

水此北濟也濮水由封丘縣南逕葭密鹿城句

陽乘氏與濟同入鉅野葭密鹿城句陽俱在曹

州境內

濟水故道又北右合洪水此南濟一支分爲濟

濟者注曰洪水上承鉅野薛訓渚又北逕關鄉

城西又北與濟濟合洪口以上謂之桓公濟京

相璠曰濟水自鉅野至濟北是也關鄉在今汶

上壽張之間鉅野澤卽今南旺諸湖又東北過

壽張縣西界安民亭汶水從東北來注之禹貢

濟東北會於汶是也注曰又北逕梁山東三里

濟水又北逕須胸城西 注曰壽張縣西北有

胸城濟水西有安民亭亭北對安民山東臨濟

水水東卽無鹽縣界也安山與壽張故城俱在

東平境內

濟水又東逕微鄉東又北過須昌縣西 注曰

壽張西北有故微鄉魯邑也杜預曰有微子冢

濟水至微鄉又北分爲二水其一謂之馬頰微

鄉須昌俱在東平境內

濟水又北逕漁山東左合馬頰水 注曰馬頰

水自微鄉西北歷安民山又逕桃城東北逕漁

水南東注於濟桃城漁山俱在東阿境內馬頰

卽小鹽河

濟水自漁山北逕清亭東又北過穀城縣西

注曰濟北東阿東北四十里有故清亭卽春秋

遇於清者也濟水側岸有尹卯壘南去漁山四

十餘里是穀城縣界故春秋之小穀城也復水

西流泉逕穀城西入於濟水清亭小穀復水西

流泉俱在東阿境內

濟水又北逕周首亭西又北過臨邑縣東又北

逕平陰城西 注曰臨邑有濟水祠王莽謂之

穀城亭水有石門京璠曰石門在盧縣故城西

南六十里平陰在盧縣故城西南十里河道所

由爲防門防門北有廣里東北有巫山上有石

室謂之孝子堂廣里巫山俱在平陰東北巫山

卽孝堂山

又東北過盧縣故城北 注曰濟北郡治也按

濟水自此以下出境由濟南境內東北入海

其一水東流者過乘氏縣南又東過昌邑縣北

又東過金鄉縣南又東過東緡縣北又東逕漢

平秋將軍淮南米節冢又東過方與縣北爲荷

水又東過胡陸縣南入於泗水此南濟一支南

爲荷水者也注曰荷水又東逕武棠亭北又東

逕尼母亭北又東與鉅野黃水合又東逕泰梁

也 按濟水自此以下出境由沛縣境內東南

入淮昌邑東緡俱在金鄉境內方武棠尼母

皆在魚臺境內

論曰北濟入於鉅澤不詳其出矣南濟分而爲

二一爲濟濟則承鉅澤之洪水一爲荷水則承

鉅澤之黃水是二濟之流皆由鉅澤分也今濟濱之入海惟大清河存其故道荷水之入淮者湮滅無存而鉅澤之遺墟南北巨匯幾數百里則如故也然濟之正濱則枯竭已久不可指尋矣

汶水出泰山萊蕪縣原山西南過蘄縣南又東南過奉高縣西南過博縣西北又西南過蛇丘縣南又西南過岡縣北 注曰汶水又西蛇水注之水出岡縣東北流逕汶陽之田又西南逕鑄城西又西逕下謹城入於汶水蛇丘即今寧陽岡縣即今岡城

又西南過東平章縣南 注曰汶水又西過桃鄉縣故城西王莽之鄣亭也世以此爲鄣城今鄣城在東平境內

又西南過無鹽縣南又西南過壽張縣北又西南至安民亭入於濟 注曰汶水自桃鄉四分當其派別之處謂之四汶口其左二水雙流西南至無鹽縣之邱鄉城南又西南逕平陸縣故城北應劭曰厥也今有厥亭又西南逕危山南世謂之龍山東平王雲所祠處也

按齊有三汶一出萊蕪原山西南流入濟謂之北汶即上文所述是也一出朱虛縣小泰山北逕龜山之陰東流入淮一出五女山南流納堂旱水又南會蒙陰水入沂惟入濟者爲大

泗水出魯卞縣北山 注曰卞縣南有姑蔑城水出二邑之間西逕郛城北也北山即今陪尾山卞城即今卞橋

西南逕魯縣北 注曰泗水至魯縣分爲二流北爲洙洧南則泗水夫子教於洙泗之間在城北二水之中

泗水自城北南逕魯城西南合於沂水沂水出尼丘山西北平地發泉逕魯縣故城南又西注於泗水泗水在曲阜城北沂水在曲阜城南與水經合惟洙水在孔墓前泗水在孔林後面註云洙北泗南與今不合

又西南過瑕丘縣東屈從縣東南流泗水從東來注之註曰泗水出東海合鄉縣西南流入郛又逕魯國鄒山東南又西南逕蕃縣故城南又西逕薛縣故城北又西逕仲虺城北又西至胡陸縣入於泗瑕丘即今滋陽郛城即今鄒縣鄒山即今嶧山蕃薛仲虺城皆在滕縣境內胡陸即今魚臺泗水即今沙河其時泗水南流故泗水注之

泗水又南過平陽縣西又南過高平洗水從西北來流注之 註曰所謂洗水者洙水也高平平陽皆在金鄉境內洗水非今汶水所分之洗也

又南過方與縣東荷水從西來注之 註曰荷水與泗水合於湖陵縣西六十里穀庭城下俗謂之黃水口方與鼓庭即今魚臺

又屈東南過湖陵縣南 註曰泗水又東逕湖陵東城南又左會南梁水南梁水出蕃縣城北西至胡陸入泗自此以東出境過沛縣下邳東南入淮南梁水在今滕縣

論曰汶之西合於濟也遮之而南入於南旺泗之南合於淮也遮之而西入於天井今所由與經異也汶之支爲洗泗之合爲沂故今清渠所資在汶洗沂泗河渠論之詳矣

沂水出泰山蓋縣艾山 註曰沂水又南與蒙山水合水出蒙山之陰東流逕陽都縣南流注沂水艾山一名臨樂山在新泰縣北

又南過郛縣臨沂縣東又南過開陽縣東 註曰沂水逕臨沂縣故城東有洛水注之洛水出泰山南武縣一曰武水東流逕蒙山下又東南逕顓臾城北又東南逕費縣故城南又東南逕祊城南流注於沂臨沂即今沂州開陽在沂州境內古郛縣郡治焉武水疑即今武河也

又南過襄賁縣東屈從縣南西流又屈南過郛縣西又南過下邳縣西南入於泗 註曰沂水至下邳分爲二水一水於城北西南入泗一水逕城東屈從縣南注謂之小沂水

按此沂水乃禹貢沂沭既導之沂非曲阜城南浴沂之沂也泗水既從濟寧入漕而沂水挾洙武祊浚諸水至邳州入於河水蓋即故泗水南流道矣

洙水出泰山蓋縣臨樂山西南至卞縣入於泗 注曰洙水西南流於卞城西泗水亂流至魯縣東北分爲二水西北流逕孔里又南逕瑕丘城東而南入石門又西南逕南平陽縣又南洗水注之洙水出東平上受汶水於岡縣西岡亭西南流逕盛鄉城又南逕寧陽縣故城西又東南

注曰汶水又西過桃鄉縣故城西王莽之鄣亭也世以此爲鄣城今鄣城在東平境內

又西南過無鹽縣南又西南過壽張縣北又西南至安民亭入於濟 注曰汶水自桃鄉四分當其派別之處謂之四汶口其左二水雙流西南至無鹽縣之邱鄉城南又西南逕平陸縣故城北應劭曰厥也今有厥亭又西南逕危山南世謂之龍山東平王雲所祠處也

按齊有三汶一出萊蕪原山西南流入濟謂之北汶即上文所述是也一出朱虛縣小泰山北逕龜山之陰東流入淮一出五女山南流納堂旱水又南會蒙陰水入沂惟入濟者爲大

泗水出魯卞縣北山 注曰卞縣南有姑蔑城水出二邑之間西逕郛城北也北山即今陪尾山卞城即今卞橋

流注於洙水洙水又南至高平南入於泗水西
爲茅鄉城按瑕丘石門卽府城東金口埧也以
今考之洙水至孔林西又合於泗同入石門不
與洸水合流而洸水於岡城分爲洸水蓋自上
世已然非元人所創矣

欽定古今圖書集成方輿彙編職方典

第二百十四卷目錄

兗州府部彙考六

兗州府城池考

兗州府關梁考

職方典第二百十四卷

兗州府部彙考六

兗州府城池考

本府 附縣附郭

府州縣志合載

府城 卽古之瑕丘也磚砌周一十四里有奇

高三丈七尺基廣二丈四尺城樓四北曰鎮岱

南曰延薰東曰宗魯西曰望京以泗水爲池深

一丈二尺闊三丈泗水自黑風口西流至城東

分爲三支中支穿城而入南北二支抱城至西

門會同入濟寧舊爲州制頗狹明洪武十八年

封建魯王府正德間僉事潘珍知府曹大有重

建城梁樓鋪損壞軍七民七修理

王城 在府治正申明洪武十八年分封魯王

建宮殿城垣備極宏敞殿前爲重門今俱廢門

前有坊坊前有御街街前爲中橋左右有東橋

西橋王宮左爲社稷壇右爲風雲雷雨山川壇

焉

滋陽縣城池 按縣志碑城一座周圍一十四

里二百步高三丈梁高七尺基廣二丈四尺月

牆四座各高三丈二尺梁高七尺共高四丈一

尺梁口五千八百九十三個窩鋪五十座城樓

四座南樓額曰德政後改延薰東樓額曰九仙

後曰宗魯西樓額曰泗水後曰望京北樓額曰

青石後曰拱極近更洗其舊曰南達吳會北拱

神京東連海岱西聯趙魏馬道闊一丈五尺壕

深一丈二尺闊三丈零河自黑風口西流入城

分兩股於南北遠城一匝會西郭平政橋匯而

西流中設三閘而入濟州

按故城在城東三里後遷今處明洪武十八年

封建魯府因舊規狹隘命武定侯郭英開拓今

制嘉靖四十一年西門迤南數百步坍塌長三

丈五尺估計修砌物料工食申允動支府庫銀

六十二兩九錢二分知縣李之茂照舊例役夫

助工補完

舊例城梁樓鋪坍塌損壞軍三民七修理任城

衛派分東門樓迤北左所一鋪起至北門樓迤

西第二鋪止計鋪舍一十六座滋陽縣派分東

門樓迤南起至北門樓迤西三鋪止計鋪舍三

十四座嘉靖四十二年知縣李之茂具由申詳

巡撫都御史張批分守道查議明白劄行本縣

今任城衛撥軍看守如在三年以外倒塌者滋

陽縣照舊分地方修理在三年內查係折損者

任城衛賠償違者查究問罪滋陽亦不時委官

查看崇禎十五年十二月大兵破城城之南門

北門東門同日焚燬知縣李濬現在議修

曲阜縣城 按縣志城高二丈厚半之週圍十

里南北九百步東西九百一十四步外甃以甃

池深一丈廣稱之城門五東曰秉禮匾曰尼防

聳翠東南曰崇信匾曰東魯文邦隆慶間移對

先聖廟遂塞之萬曆五年管縣事同知孔弘復因

居民原藝集於此不便出入請於當道復開西

南曰仰聖匾曰萬代瞻仰西曰宗魯匾曰洙泗

環粹北曰延恩匾曰泰嶽精華

鄒縣城 按縣志城磚砌週圍四里零八十步

外甃以甃高一丈六尺五寸梁高四尺五寸基

廣二丈二尺上廣一丈六尺計城梁一千五百

二十八城開四門東曰瞻岳南曰崇教西曰襟

濟北曰延魯城上四正樓四角樓窩鋪九座北

城三座東西南各兩座 按鄒城舊在嶧山之

陽至宋元嘉十三年徙今治明正德初增築高

厚沙土不堅歲加修補邑人病之萬曆五年知

縣馮中州改砌以甃天啓二年鄆寇徐洪儒等

襲據鄒城總兵楊肇基都閫楊國棟等帥官兵

攻擊城陴樓櫓多所損壞崇禎二年知縣黃應

祥復重修明末土寇抄掠數被侵犯梁陴傷裂

至

皇清順治五年知縣于進忠改修大梁三百七十五

康熙七年地震梁口多壞知縣張文錦修之

寧陽縣城 按縣志城池始築自宋上下以土

金大定二年縣尉完顏阿令速增修明成化十

八年工部主事喬縉復加葺理正德六年流賊

殘掠邑幾爲墟十年知縣紀洪重修附以四門
瓮城嘉靖九年知縣陳本儒以磚甃西門瓮城
萬曆五年知縣李貞以磚修北門迤東一面九
年知縣許思設法創建悉圍以磚爲題四門東
曰寅賓舊名望酒南曰迤蕙舊名迎恩西曰賓
成舊名臨洗北曰拱極舊名瞻嶽週圍四里五
十步高一丈七尺池深八尺闊一丈二尺蛇眼
諸泉紆曲旋繞因名爲縣河焉但城外磚而內
土舊時水從外泄積久而淤旁行直湊土潰磚
崩萬曆三十一年知縣徐汝冀申請修理登垣
閱視乃悉其故因改水道於內以散其流至
皇清康熙二十四年知縣陳學夔縣丞余方典史嚴
旦捐募重修斯內外彌固云

滕縣城 按縣志城池魏隋以前皆埋城西今
稱故縣城蓋魏隋郡城也唐宋降爲縣更築而
小之金元因之舊惟土城明時洪武二年指揮
唐某者甃以磚石知州薛原義創修梁壩限引
梁溪水由黃山橋入池成化八年知縣鄧亨千
戶鍾理增修城土闊三尺高二尺女牆樓櫓多
所增傷周五里許高三丈五尺地震城崩磚石
盡傾門樓四池深一丈五尺廣三丈五尺浮橋
四復濬引梁溪水入之城陞映帶頗勝他邑
泗水縣城 按縣志城週三里一百餘步高一
丈六尺池闊一丈二尺深如之不詳所始成化
年間知縣曹瓚修築弘治十三年知縣俞清增
卑培薄創建城樓匾其四門東曰寅賓西曰寅
饒南曰廣居北曰長樂嘉靖二十一年知縣將

偉繼修復圍其四門東曰探源西曰遠聖南曰
阜民北曰拱宸今爲望斗門但基本土築屢修
屢圯隆慶元年知縣羅許砌以雜石貫以灰沙
周圍完固稱未賴焉

嶧縣城 按縣志城圍四里許高一丈二尺四
門東與賢南望仙西迎恩北仙壇壕深二丈闊
三丈本元嶧州舊城改就西南隅尚土築成化
二十二年知縣毛鳳鳴始甃以石弘治十一年
知縣許承芳正德七年知縣馮昂相繼修葺嘉
靖九年知縣李孔曠建東西門樓月城未備二
十五年知縣王濟繼修萬曆十年知縣王希曾
暨典史江德容重修南北城樓增築更鋪萬曆
四十八年知縣馬希曾修西北隅崇禎元年知
縣胡從禮大修邑人侍御緒德培有記

金鄉縣城 按縣志城築土爲之週圍七里客
三十步門四東曰東作西曰西成南曰南薰北
曰北拱城外爲陞閣四丈六尺深一丈一尺陞
外爲重堤週圍十一里高九尺闊一丈二尺城
隍自弘治十六年知縣高魁主簿唐鵬重修正
德六年流賊壓城下民賴保全迨思立祠後圯
塌淤填不堪保障萬曆六年知縣楊椿奉巡撫
趙幫修倍加高厚城根原闊一丈七尺高二丈
三尺又計地輪柴燒磚一百餘萬重新東西門
樓增高六尺外更爲甃門門臨深塹裏以鐵葉
城上女牆易以磚修磚甃二千一百八十三個
增修城鋪一十五座烏革鞏飛屹爲雄鎮復以
餘磚包城鋪一百八十三丈萬曆八年知縣杜

廢繼包二百八十七丈三尺萬曆九年知縣李
鳴世繼包五百五十六丈七尺儼然全湯之險
甲於他邑天啓二年妖亂後知縣楊于國議增
築甃城於四門外渾用大石高與城等工未舉
而遷去成之者知縣張著銘也嗣後天多霖雨
城垣門樓漸多塌損天啓五年知縣李國泰逐
一修補其繩草工役匠俱捐本縣俸薪爲之
又外城甃磚大半風化復立官審一座於演武
場側置買柴薪燒造磚灰三萬有奇添補完固
又創造南城腰鋪二座夫役取之在官者民間
並不知有興作云後四門城樓甃城歲久漸就
傾圮

皇清康熙十二年知縣傅廷俊捐俸重修煥然一新
魚臺縣城池 按縣志土城周七里高二丈二
尺門三東曰仰岱南曰橫河西曰達汴北無門
而匾曰望京地幽易潰修葺無寧歲門外跨濠
各以浮橋出入濠深二丈廣三丈濠環一小堤
外復環一大堤連接制棄舊城同爲保障焉康
熙三十年知縣馬得禎倡捐重修
單縣城 按縣志舊土城垣固池浚周九里三
十步有奇始於成周歷漢唐宋元明朝正德間
河水浸灌幾二十年迨嘉靖癸未秋霖雨河漲
夜倏入城萬民室廬遂告廢越四年乙酉巡撫
都御史王公堯封以行部至喟然歎曰匪城胡
邑匪邑胡民迺與布政郭紹接察司潘垣兵備
副使王言參議劉淑相兗州府知府喻智共相
地于城北之原卜定基址命參議侯位董築經

理既成城復甃以磚甃周五里一百五十步高二丈五尺下闊三丈上闊一丈五尺四門各建樓櫓東曰東作南曰阜財西曰西成北曰朝京門內耳房各兩座門外鑿池深一丈闊四丈二尺池岸有子堤關外環以大堤東西北三面共長八里許高一丈五尺根闊六丈頂闊二丈舊城北牆借爲南面四圍相合編植楊柳蒼蘆可愛近因寇侵城下有礙砲石樹遂伐盡

城武縣城 按縣志邑城自元泰定三年始土築高二丈八尺周圍四百三十丈七尺闊四門以通出入明知縣郭漢城四角創建角樓爲守城巡夜瞭望之所後盡廢

皇清知縣王素臣于康熙三年新建東北角樓池匝于城闊二丈五尺深一丈池水遇潦則溢遇旱則涸

曹州城 按曹州志曹城歷代遷置不常自明正統十一年置州乘氏地巡撫張驪知州范希正暨學博徐思學創設城池天順間知州伍禮偕同知張浩判官翟湛建四門及城樓成化二年告成其門皆飾以鐵券以磚石匾于東曰宜春南曰迎薰西曰豐樂北曰朝天歲久傾頽正德六年夏四月兗西憲副吳學奉勅整兵命同知孫環督工知州李貴吳瓚相繼繕修判官王經卻能吏目劉榮協心分理又明年冬十月告成城周十有二里高二丈五尺堞垣高五尺趾闊三丈池深一丈五尺廣四丈城之四隅及門之左右皆築敵臺十二每隅敵臺上皆建角樓

凡四座沿池及四關皆繚以郭郭環以溝塹一如城池之制而殺其三分之一城門外有弔橋有郭門有關門匾其東曰東秩西曰西成南曰阜民北曰拱辰其上建戍樓左右隅皆設窩鋪嘉靖元年州守沈韓離城五里週圍築大隄防水護城二十三年兵備金清王傳以邊徼告急准州守王重申請重修增築城高七尺添建門樓角樓更鋪凡二十八堞垣凡二千餘萬曆二十一年州守許恩重加修飾三十三年以大雨水城墜墮頽樓鋪堞垣俱就傾圯州守周燦起役重修一切更新四十八年分巡許鼎臣以邊警復告檄州加葺城面以一丈爲度城樓角樓敵臺窩鋪悉釐然整飾匾四城樓東曰春波旭日南曰鳳入虞弦西曰鳳臺霜曉北曰雲裏蓬萊復於城門額嵌石爲匾東曰雙河南曰南華西曰鳳山北曰濟陰城以內東西大街五道小街二道南北其街七道分爲四隅東西南北名曰在城集每日貿易不絕

曹縣城 按縣志洪武二年州判閻本既徙州於此四年改州爲縣正統十一年知縣范希正又於葉氏舊地營建曹州陞去而知縣陳普繼任始築城墾池城周九里立門四東曰望嶽南曰阜民西曰鎮川北曰迎恩橋道欄櫓俱成化間王肅重修環植以柳弘治己未鄒魯重修門建以樓而角樓戍鋪亦次第備具矣自弘治壬子都御史劉公築堤縣北河自西來邑無歲不受其害兼之歲久沙填城與外平居人出入率自城頭門不能受車馬正德六年易謨築護城堤一周創始未堅至八年趙景鸞始僉謀大修城垣城濠高厚深廣倍加於前又築護城堤周十二里高二丈基倍之邑人王崇仁有記嘉靖丁未水漲決城是時河行城南僅八里後屢經修補至崇禎間知縣郭萬象繼建四門易直爲曲甕城門樓角樓戍鋪馬道皆磚爲之又濬濠池設牛馬牆一週曹於是始爲完城邑侯郭萬象有記

定陶縣城 按縣志縣城舊在寶乘塔西北緣黃河衝頽成化元年會有邊警朝廷命天下有司皆築城知縣沈紹祖因築土城於此地圖九里許四門各建戍房有吏部尚書李公秉謨記見藝文志正德六年流寇劉六齊彥明等逆黨數萬殘破山東郡縣知縣紀洪亟加浚築八日城完城下有馬道內外俱有濠塹增築甕城并護城堤氏始可守旣而賊至悉衆攻者三晝夜卒保無虞教諭侯仁有全城碑見藝文志正德五年知縣劉說修南門額曰迎薰嘉靖元年署印曹州州判秦錡修西門額曰環曹六年知縣修北門額曰拱極十年知縣劉倫修東門額曰宗魯其門皆飾以鐵葉甃以磚石戍房俱易以樓十二年知縣芮京增築敵臺十六座四十三年有劇盜陳良謀者欲據青州作亂巡撫四川張公檄各府州縣修城郭以備警知縣唐桐重修萬曆二年知縣李鐵重建城門樓四座六年知縣黎邦瑛重甃四門及甕城益以粉堞二千

七百有奇十年知縣李四勿城上益角樓八座
二十二年知縣陳以見因雉堞爲霍雨所壞復
加增修二十四年知縣楊充順砌水溝四十四
道天啓二年妖逆徐鴻儒倡亂攻陷鄰邑知縣
朱萬年益加修築城守卒賴以安崇禎十一年
北警甚亟知縣張汝賢創登月城門四座俱與
城門相連合併雉堞一千三百有奇以便守禦
皇清順治十二年知縣趙國琳因城久壞大加修葺
較前完固四門弔橋深濬濠塹環匝城始可守

濟寧州城 按濟寧州志濟寧碑城明洪武三

年濟寧左衛指揮狄崇重建五年成高三丈八
尺頂闊二丈基趾寬四丈方九里三十步一面
各二里九十七步五分女牆舊凡三千六百個

皇清順治初總河楊方與歸併改建牌晚一千八百

敵臺二十有四樓櫓十一高三丈有奇翹鳳樓

在南門上崇禎十七年火毀順治十二年總河

楊方與重建太白樓在翹鳳樓左洪武二十四

年狄崇重修元武樓在翹鳳樓右天順元年火

重修八年又火今廢望嶽樓在北門上得勝樓

一名文勝樓在望嶽樓西今改爲奎光樓聖化

樓在東門上崇禎十七年火今闕思麟樓在西

門上見緯樓在城東南角今爲五奎樓洸河樓

在城東北角疑翠樓在城西南角今爲會子樓

以三省書院改運河同知公署移像於此耀金

樓在城西北角南門榜曰野入青徐東門榜曰

鄒魯接壤西門榜曰獲麟古道北門榜曰雲連

海岱大旗臺十座小旗臺五十座城鋪凡五十

各三間萬曆十年指揮楊方亭建修磚砌水渠
七鐵窻水門子城樓櫓高二丈五尺有奇會通
樓在南甕城上拱辰樓在北甕城上賓陽樓在
東甕城上近治樓在西甕城上遇火今闕女牆
凡三百城四門皆鐵關三重左右各有小門營
房每門左右各五間登城馬路每門各二蕭牆
每門各二登城軍路每子城各一城河周十三
里二百三十五步闊四丈五深一丈五德勝樓
西及東西北三門皆新添附城敵樓一座與城
頭平自內而下砲眼三層明末所建

嘉祥縣城 按縣志土城創自金皇統間後圯
於水正隆初遷橫山之陽復苦水患大定十五
年乃城於南山之麓成化三年知縣趙瑄主簿

戴允中始加修築崇文餘周圍約四里其東北

跨南山無墜皆築土爲之弘治十四年僉憲馬

鸞檄知縣李倫開設西南馬道城跨山之土者

皆砌以石約五之一舊四門東曰瞻魯西曰獲

麟南曰南武北曰鳳城後用堪輿家言於儒學

前門一門名曰采芹置樓焉而南門遂塞其後

歲久城圯萬曆二十二年知縣劉思顏典史戴

進忠重修增石蓋上視昔厚倍之至二十三年

十月南門復開而采芹門亦仍舊云

石城修自明崇禎間始於東亮兵寇陸夢龍巡

方登閱謂時值多事城土崩裂遇雨輒潰萬一

變故巨測何特以無恐乃捐俸銀八百兩伐石

修砌命署縣金鄉縣丞吳秉鑑董其事會陸憲

遷秩云旋亦報罷沿至崇禎十二年盜賊紛起

城爲霍雨所壞者十之六七知縣李昌年彙集
都人士約砌以磚石各因厥力鄉官杜嘉慶首
肯久之遂與衆紳士議以大領修如左會李病
卒江文淳代之閱辛巳三月乃落成城崇二仞
餘廣半之用石者十之八磚者十之二歲久城
復傾圯康熙甲寅知縣徐之駿率典史馮奇重
加修砌并建東西二門樓

鉅野縣城 按縣志邑之城周九里高一丈五

尺闊一丈六尺成化四年知縣劉林築正德五

年知縣牛鑾金守觀改修按至正八年濟寧路

當河水衝激爲害甚久議謂宜徙濟寧路於濟

州徙鉅野縣於城北邢家務濟寧可權罷去錄

事司宜併於鉅野想邢家務即今縣治也護城

有堤堤高一丈闊如之環城有池池深五尺廣

一丈有奇四門之額東曰凝和西曰遂昌南曰

延熙北曰拱德高樓門四座鐵裏平樓重門四

座鐵裏計里置巡舍各設火甲老人催轉更籌

鈴柝相聞民得無警

鄆城縣城 按縣志城周圍三百九十步高一

丈五尺門四東曰通濟西曰枕濮南曰迎薰北

曰拱極池深一丈闊七尺長如城之數成化間

連公盛以舊制欲險因加修葺建樓築橋稍爲

壯觀弘治正德萬曆間歷任知縣相繼重修天

啓壬戌知縣田吉以妖變故遂更築壘增高深

焉

皇清康熙壬戌閱六十年風雨剝琢土垣坍塌者過

半知縣陳良謨出募募民力幫築內闊增四尺

許外增尺餘厚復如故周圍築堞傾圮亦十之七八陳復出俸金置買磚灰鳩工砌築城垣一新護城堤周圍十里舊築以防水年久就圮文公森復增修後爲居民平治幾沒卒有水患何賴乎

東平州城 按東平州志故鄆州城在州西五十里即隋所置須昌縣也唐徙鄆州治於此後唐因諱改爲須城宋初仍爲鄆州眞宗咸平三年河決鄆州東南注鉅野入淮西城中積水壞廬舍三月十一日翰林待詔朱慶奉宣詔旨州守姚鉉奉旨移建州城於汶陽之高原築土爲之周圍二十四里高二丈闊八尺南北各一門東西各二門西之南門閉塞不行城東南西北各一缺刺史姚鉉有移遷鄆州謝表載在藝文與定之季毀於兵火明初門宇倒塌洪武設東平所守禦自北門以東至大東門城角屬軍餘俱屬民協力修持洪熙間知州李湘因舊趾重加修築嘉靖己酉知州李昇見濠墜堙圯且旁多隙地遂濬隍令深遍植以柳引廬泉水溉之遠城二十餘里連蒲魚稻徧滿其中所入供四時報享及充賓旅館穀民力爲之一寬萬曆五年知州丘如嵩見城垣塌損銳意整理其甃灰則取給官寄其人役則簡庶人之在官者互相易代越數旬而規制一新有郡人侯率譔記載藝文中崇禎五年因盜變水災城堞凋敗分守東兗道陸慨任其事多方設處借知州常維翰同知王金鉉等晝夜勤勞躬行督理費貲近萬

城隍一時俱修州人建立祠堂祀之郡人宋祖舜碑記載藝文中崇禎十三年復有盜警知州王奠民率闔州紳衿士民分其丈尺重加修築獨郡人經歷楊膏光楊膏照獨任一面自大東門至東北城角約數十丈塚口堅厚城下護堤二層後土寇竊發獨此處不攻城賴以全其護城隍則建城時所築外有沙河圍繞自陸公修後數十年來汶水泛漲東南夾堤而下歲歲衝灘昔猶殘缺今已與河俱深矣洪流浩蕩城門傾圮端有待于後人

汶上縣城 按縣志邑之城周十二里有奇不知始自何代然唐李太白有東樓醉起作及城隅綠水之句五代史紀王彥章事云中都無壁壘抑兵亂之後墮廢耳明以來其相繼而興版築之役者成化間則爲王徵正德間則爲王杖嘉靖間則爲董世卿新葺城堞門樓主昱賈淮各加修理及末年趙可懷始以磚甃其樓隆慶間張惟誠復甃其月城至汾州李迪吉隨鳩工置陶甃甃全城時萬曆十年也經始于西北至今猶壁立如墮焉準郡城高至二丈七尺厚二丈五尺城四門俱有題額東曰醉白西曰懷冉南曰觀河北曰望嶽月城之門東曰千室金湯後易曰寅賓東作南曰盛世崇屹後易曰茂對南薰西曰平秩西成北曰遙拱北極郭門東曰春育南曰康阜西曰向化邑之池原無經流即隍濬之深廣五丈西門外廣三丈惟邑北三里許蒲潯泊水舊分一支南繞城下由鹿莊次丘

等村入蜀山湖時于上流建閘以節之閘在城北二里許鮑家村東經春不涸楊學士文敏公詩云清流環郭自成池是也劉賊之亂縣令左經嘗引其水以自固今歲久淤塞冬春之間其逸入者僅西城一綫未足恃也然秋夏之交汶流潮溢浮堤而南者必仍落於民田宜濬南流故道引之城下則民田不沒且以備緩急云

東阿縣城 按縣志縣城舊在今治之北八里新橋鎮即今所謂舊城也明洪武八年知縣朱眞避河之害遷於穀城築土城周圍四里一百三十步有奇高一丈八尺城樓五座草昧之初規制簡略弘治十二年知縣秦昂增修樓堞更甃磚石開拓關廂深墜陞壘由是漸次壯麗萬曆間知縣田樂白棟以城垣卑薄不任保障相繼增修城垣并女牆高二丈五尺磚石梁口一千二百五十三角樓十更鋪五城內有復溪河貫流其中安平鎮城鎮在元爲景德今之張秋是也雖在東阿境中亦有陽穀壽張暨五方之人而東阿居民則強半焉蓋國家漕運之咽喉實稱重地鎮故無城萬曆七年都御史趙賢巡行郡邑欲建鎮城知縣朱應欽欣然協謀實主是役於是城之城方八里高二丈五尺四門各樓四角亦各樓厰制跨運河而環之其南北渡口爲水所出入者難以啓閉則爲敵臺四座各建以樓以戒不虞于安平士民未貧厥居屹然一重鎮矣

平陰縣城 按縣志平陰係舊土城塊然隴阜

知縣張性成任創修石城建立敵臺磚砌垛口石板鋪頂欄馬水道四門階級俱用石砌修城門樓四座腰鋪八座角樓四座鳩工於癸未之三月落成於甲申四月雖周圍僅三里許而城高池深堅壁完固環城壕堦間植楊柳數百株所以固堤望之森秀誠為壯觀所謂一勞永逸萬世之保障也士民悅服欣頌立碑東門曰望岱西門曰澄源南門曰錦川北門曰拱極至萬曆甲寅以久無科第開東南門曰興文及開而累不利於首貢尋塞乾樓在西北城上邑人孫琬與知縣孫世恩建從形家言利闔城風水名曰迎恩樓壬辰黃河水溢至城下加以霖雨四十晝夜遂半就傾頽知縣陳秉直倡率包壘凡三閱月完固如昔

陽穀縣城 按縣志城舊址周匝廣八里不知始於何代明成化五年知縣孟純改營各方式增一里因拓為一十二里牆高五丈厚三丈池深二丈廣如之其四門東曰迎恩南曰會盟西曰柔遠北曰拱極上各建瓦樓寬可肆筵而四隅角樓亦容布席正德間知縣盧鑑復築外垣但草創之時雖堦皆築土為之萬曆五年知縣吳之問乘歲稔令畝輸一輒不旬月而功竣其附門四橋東曰惠民南曰廣濟西曰通利北曰大順俱構木為之歲久圯敝萬曆二十五年北橋為水湮沒知縣傅道重令民以土實之隨致滌流不通三方病涉歷今未經再造又於治城四圍植柳千餘外築土堤二重高丈餘渠深尋

許夾岸植柳護之歲久木橋官司有耗採而無增植萬曆三十三年知縣范宗文命延泰補植千株頓覺觀觀崇禎元年知縣黃卷因城垣漸頹大起民夫繕修孔固迨明季罹兵燹之變又遭土寇之亂牆塌垣壞樹木無存居民鮮少一望皆瓦礫荆棘大非昔日規模矣

營各有捐助
沂州城 按沂州志碑城一座周圍九里高二丈五尺闊一丈架口三千七百八十二個城堡五十座城樓四座南樓額曰望淮東樓額曰鎮海西樓額曰瞻蒙北樓額曰宗岱南門三層大樓之外又小樓二座東門二層大樓之外又小樓一座康熙七年地震南門北門僅存小樓東門僅存大樓餘俱毀馬道闊八尺濠深一丈闊一丈六尺砲臺四座康熙七年地震架口俱無四門碑石連塞牆垣行走成路迨康熙十二年詳請題奏奉

旨給帑節核八千餘兩知州邵士董事重築凡延袤廣闊一如舊制女牆樓堦建築重新萬年之圖得以永賴
郟城縣 按縣志城在古郟國舊城南元末沂州守禦王信始徙於此築土城焉周圍約五里八十步高一丈二尺闊八尺門三南曰臨淮西曰宗岱北曰拱極正德五年知縣黃琮修北門建樓於上嘉靖二十一年知縣鄧相修南門西門各建樓視北門萬曆五年知縣趙蛟又建小角樓四座萬曆十一年大雨南門崩坍知縣顏若愚重修並創建鼓樓於東城上內塑文昌帝君像萬曆二十一年知縣文廣始築碑城四門樓各建閣閣重樓四角各建碑樓規制恢廠女牆鱗峙巍然成雄鎮焉康熙七年地震四樓俱倒塌無存城傾大半尚未修整城壕遂成巨浸為城之害閭閻苦之

皇清康熙十一年知縣王天璧始議修復
壽張縣城 按縣志故土城四圍僅五里卑薄無磚門無遠池不詳其始竊考縣移於洪武十四年縣治儒學俱云本縣知縣譚道創建成化三年知縣魏崇修築門四東曰迎恩西曰來賓南曰永寧北曰安賢甲辰知縣張玉林始券東西門弘治丁巳知縣趙希魁建東西門樓辛酉知縣趙俊民創典築整城高三丈廣一丈上廣七尺下有馬道并券北門甲戌知縣彭球券南門新作東樓并置城上小鋪庚辰知縣吳珂始為外濠深二丈廣三丈築堤植樹嘉靖壬寅知縣馬天倫築修壘城外門樓窩鋪門俱石匾東曰扶桑朝散西曰崦嵫返照南曰薰風鼓治北曰元虛鈴鍵邑進士趙守愚題嘉靖己未知縣况澄門外甃石為渠上置弔橋并新南樓築護城堤高二丈廣一丈萬曆壬午知縣趙汝仁砌磚城架口丁未知縣周三錫重修植樹順治七年九年荆隆口水決城淹屢經修理隨修隨壞順治十七年守道張公捐俸檄行知縣陳潢修築全城加厚四門外建八字牆十六座影牆四座克府王公陽穀東阿鄆城朝城萊邑壽張標

費縣城 按舊志舊土城周圍八里洪武避兵截其南半今城止四里成化五年知縣殷禮重修爲石城高丈八尺創建城樓四門各有名號刻石東曰望沂南曰映文西曰仰聖北曰瞻蒙嘉靖萬曆間因大水及霪南城門損塌知縣吳從禮屢加修葺至二十七年鄆州王建毫以東門外太廠重築城牆謂之甕城

皇清順治二年土寇猖獗知縣趙錫彤修以後或南或水屢傾屢修不一康熙九年十一月地震十年八月地震城垣復塌知縣張士誌再修

兗州府關梁考

縣志

滋陽縣

通濟橋 在西關外通濟河康熙九年郡守蔡廷輔鼎建

泗水橋 在城東南五里貫莊鋪北岸乃泗水

急流富南北之要途萬曆三十七年魯憲王所建中通十五洞每洞五丈有奇記入藝文

高吳橋 在城西三十里跨光水而建

永濟橋 去高吳橋二里跨溪水建於弘治庚

戌之秋俗號新橋山東參議長安蕭謙有記利涉橋 在金口壩東二里黃泥溝諸關里之要途

呂仙橋 在縣治西三十里萬曆三十四年有吳之英丁時雍請駕與呂祖會呂書云明午在張家橋會屆期二人至橋拱立天甚晴忽有雲如掌大自西北來小雨一陣二人橋下避之轉瞬天晴適見一人甚藍縷自西北來問曰爾二人是侯陳親家乎因問爾何知之曰吾方在井上飲水他說即來又問爾從何來曰從郛城來往府裏去回來還要到家瞻視間則不見矣至次日問其曰昨約相會何不見復書云昨已在橋會矣其後橋石遂見坐痕

關王廟橋 在東門內跨內河而建

東橋 在關王廟橋西亦跨內河而建

御橋 在東橋之西縣治之北跨內河而建景有御河煙柳

西橋 跨內河而建在御橋之西府衙之東

通武橋 在西橋之西水門之東北臨元帝廟跨內河而建

德盛橋 在滋陽縣南門之內鐘樓西橋南鼓樓東橋北

旱石橋 在御街西彌勒庵前

平政橋 在西水門西跨南北兩海河併內河之水而中建也北臨昌平驛

大石橋 在平政橋之西

贊政橋 在東郭外

九仙橋 在黑風口之西

昇仙橋 在九仙橋之北

濟衆橋 在西辛婁莊集

鐵板橋 在縣城西北二十五里西大南社

仁義橋 在城西二十五里袁莊邑庠生高楓

作記

變通橋 在北李宮社有邑紳吳伯璵記

廣濟橋 在北李宮社有郡庠生吳季翁記

普渡橋 在縣西北歇馬亭之西

便濟橋 在縣西北三十五里梅家營東

翟村八橋 在縣西二十餘里

屯頭八橋 在縣西南二十餘里

仁濟橋 在洸河有邑舉人高士淳記

婆媳橋

曲阜縣

洙水橋 在縣北三里孔林內

文津橋 在縣北關外關門與孔林門對松柏夾道其直如弦橋建其中

廣濟橋 在縣南三里其地水聚四里許行者難之橋既成人得其利焉

瞻嶽橋 在縣西北二十五里當南北通衢水聚難行有司董率成橋未享其利

沂水橋 在縣東南十里跨沂水

苗孔橋 在縣西南二里跨洙水

西關橋 在縣西廓內以上俱石橋

白石橋 在縣東北十里

張陽橋 在縣北八里

草橋 在縣西二十里

通濟橋 在縣南八里

閭老人橋 在縣西北十二里以上五橋俱跨水架木爲之

寧陽縣

四門板橋跨縣川正德十二年知縣紀洪修嗣

後歲歲修造不一

皇清康熙五年知縣趙續重修三十七年知縣陳學

義縣丞余方典史嚴且易爲石橋四十一年南

門橋圯知縣李溫阜復改爲板橋

南關石橋康熙三十三年知縣鄭一麟重修四

十一年汶水泛漲衝圯知縣李溫阜捐貲暫置

以木通往來

七家店橋 康熙三十六年知縣李溫阜重修

青川橋 在城西南八里

通濟橋 在東門外

東南石橋 在南門外跨灤河曲阜弘治七年

知縣趙容修

新柳泉橋 在縣西里許知縣陳本儒修

沈河北石橋 生員戴評等修康熙二十六年

鄉民徐之彥同男徐光宗重修

沈河大石橋 在沈河閘南御史吳崇禮生員

吳崇美張四衛鄉民楊繼明等建

沈河小石橋 先許尼後張尼募修

樂善橋 在北郊外通泰安大路康熙十一年

劉文翠等募化建修

義渡橋 汶水夏秋泛漲同於江淮非舟不可

渡至冬月春初河水猶深四五尺非橋不可渡前有船二隻乃泰安人借以索利縣令李溫阜捐銀三十兩造木橋冬春以濟行旅民甚德之

鄭縣

因利橋 在南門外跨因利渠成化十一年知

縣楊通重修

東門橋 崇禎二年知縣黃應祥重建

西門橋 天啓五年知縣劉彝鼎建

皇清康熙十一年知縣朱承命重修

東陽橋 在東門外崇禎二年義民石守敬重

建

高橋 在城南十里宣德九年知縣房留修

龍河橋 在城南二十里正統七年知縣房留

修

望仙橋 在城東北雷家廠跨蓼津嘉靖年間

道士吳明山修

白馬橋 在城西北二十里跨白馬上流

破石橋 在城西南十里跨白馬河

平陽橋 在城西三十里跨白馬河崇禎九年

修康熙七年地震圯壞道人鍾邦現募修

徐鎮橋 在城西四十里跨白馬河正統年間

有居民徐姓者創建故名嘉靖年間知縣徐世

傑見橋圯壞承厥祖志重修

魏女橋 在城西三十里跨白馬河未詳何時

創造

黃路橋 在城西四十里跨白馬河萬曆十五

吳橋 在城西六十里跨白馬河隆慶年被水湮沒

末濟橋 在城西七十里跨白馬河隆慶二年

間故明儀賓程衛建

大通橋 在城西北里許商人李國珍修建

永利橋 在城西北通橋北

界河橋 在城南五十里崇禎二年義民石守

敬建

施村橋 在城北三十里

濟通橋 在城西紀溝石濟地方萬曆十四年

建崇禎四年重修

野店橋 在城南十五里嘉靖二十二年修

萬古橋 在城南二十里一夏集地方萬曆三

十年修

陳溝橋 在城西北二十里屯頭村地方萬曆

四十年間建修

崇義橋 在城西北二十五里河北牛廠地方

跨白馬河萬曆四十一年明魯藩建

雙橋 在城西北二十里跨白馬河萬曆六年

明魯藩建

新橋 在城北二十里萬曆年間里人張世男

捐銀建今年久圯壞伊子張鳳鳴倡義繼志於

康熙十一年重修

雙石橋 在城北二十三里東灘店地方

楊柳橋 在城西北跨鯉眼泉

內官橋 在城西北跨白馬河

紀溝橋 在城西北跨白馬河

兩川橋 在城西南跨三角灣泉

雙村橋 在城西北跨白馬河

稻屯橋 在城西北跨程家莊泉

面房橋 在城西南跨白莊泉

泗水縣

何家橋 在縣西一里

三里溝橋 在縣西三里

玉溝橋 在縣西十二里

西岩店橋 在縣西二十里

里仁橋 在縣西三十里

鮑村橋 在縣東八里

東岩店橋 在縣東十五里

苗館橋 在縣東二十五里

博濟橋 在縣東三里

黃陰橋 在縣東三十五里

十橋 在縣東五十里金大定二十一年建

澤溝橋 在縣東六十里

歷山橋 在縣東七十里

滕縣

黃山橋 在城東北隅跨南梁支流之引入城

隍者

跨雲橋 在城東南一里舊名斗子橋跨南梁

河不知創始嘉靖十四年知縣郭石重修數年

圮萬曆十年知縣楊承父增修

三里橋 在城北跨三里泉河一券

七里橋 在城北跨七里泉河一券

北石橋 在城北二十五里一券

南石橋 在城南三十里一券

官橋 在城南四十里建自隋時近橋東溝中

闢出一斷碑蓋隋開皇八年也止有上半三分

之一其字楷古雖非名筆然無剝蝕可讀其下

半求之不得惜哉明時正統間知縣羅斐重修

建九券高四丈今圮

霸陵橋 在薛城南相傳孟嘗君建非也或名

始自孟嘗君耳

公孫橋 在城東南三十五里堅緻俗傳公孫

弘建者亦誤

中萬橋 在臨城驛南

北鎮橋 在泉河社故縣集北亦古橋正德間

重修

合娘橋又呼為韓梁橋 在城西三里其義未

詳

小白橋 在城西四十五里跨小白河一券而

工力堅緻相傳唐時建其餘大吳橋辛莊橋九

老橋又呼為姜家橋蘇家橋東倉橋西倉橋焦

家橋皆居民隨便修建者不備書

李公橋 在城南二十里沙河店崇禎元年署

印府同李洵確創建今圮

奮鵬橋 在城西四十五里奎子村西崇禎二

年生員孫丕昭建教諭賴國章有記

嶧縣

望仙橋 在縣南門外以南有望仙山故云

孺子橋 在縣西門外承水上弘治間知縣許

承芳重建嘉靖間知縣龔汝勤增修土人舊訛

為爲子橋知縣陶汝弼有辯崇禎七年知縣喬

喻益廣其制邑人褚德培有記

便民橋 在縣東北十五里洪武間縣丞田疇

建

蕭橋 在縣南五里宣德間萬曆間邑人重修

清漳橋 在縣西北四十里陳郡集

靈泉橋 在縣西北六十里

會仙橋 在縣南五里

巨梁橋 在縣南五十里新河上

龍潭橋 在縣東二十里隆慶間知縣王琰建

裴宋橋 在縣北三里北山滄浪諸水流其下

大橋 在縣南五里今廢

會水橋 在縣西北十里

奎梁橋 在儒學東南土城下龍門經歷丁賓

創建

平賦橋 在縣東南十里土樓村嶧知縣辛我

德因清文地祇均平賦役之後所建故名

觀成橋 在縣西北六十里西營村嶧知縣辛

我德建

元善橋 在縣東南四十里

金鄉縣

望仙橋 在儒學南延祐二年知縣牛天麟建

成化十八年知縣盛德重修

泮水橋 在儒學門南知縣彭觀化建木坊一

座更名青雲橋崇禎元年知縣李國泰易以石

坊

惠廣橋 在縣西郭外成化十五年商人徐全